

مسعد سليم

# مشاعر

أشعار بالعامية المصرية

الطبعة الأولى ٢٠١٧

## بطاقة الكتاب

عنوان المؤلف : مشاعر  
المؤلف : مسعد سليم  
التصنيف : أشعار بالعامية المصرية  
رقم الإيداع : 2017-21199  
عدد الصفحات : 100 صفحة  
رقم الإصدار الداخلي : 49  
تاريخ الإصدار الداخلي : 10 / 2017 طبعة أولى  
تصميم الغلاف : دار النيل والفرات للنشر والتوزيع  
جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

سجل تجارى : 58365  
بطاقة ضريبية : 165-5-00031-572-01-35  
رقم التسجيل : 2017-7 544-662-202

E-mail: alnile waalforat@yahoo.com

twitter: النيل والفرات

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



# الإهداء

هى كلماتى بعض منى  
وهى أول أشعارى  
أهديها إليك يا أمى  
علنى أهديكى عمرى كله  
ولا يكفينى  
فتقبليها من ابنك  
الذى يتمنى رضاكى عنه

مسعد سليم

## دايرة حزن

دايره حزن ..... وبتلف بينا

نجي نخرج .... تحاوط علينا

حتى الاعتراض مش بايدينا

اتخلقنا احرار .. والاسر مالينا

لما الدنيا ..... حالها اتغير

والمر داقه كبير ..... وصغير

القلب ..... من جوانا اتحير

و شوفنا ناسها ..... بتتغير

نفسنا نخرج ..... ونلاقي نور

ونحقق احلام ..... من عصور

ونبقى احرار ..... زي الطيور  
ما يوقفنا حاجز ..... ولا سور

الحمل زاد ..... والصدر ضاق  
و الايام الجميله ريحتها فراق  
فارقتنا ..... بعد ما القلب داق  
طعم الفرح ..... عجلت الفراق

نفسى مره يا دنيا ... تفرحينا  
وتحسي بقلوبنا .. وتعوضينا  
و تلمي شملنا ..... وتسعدينا  
خلينا نفرح ... مش كتير علينا

احنا اللي عشناكي ..... بطيبه

ولأحلامنا ..... دفعنا الضريبه

إتهاجمنا ..... وماطلعنا العيبه

يا رب اكتبلنا ..... فرحه قريبه

## الجرح زاد

آه من وجع ملئ قلب الجدع  
بسبب خسيس ضميره مات

ما احنا خلاص في زمن البدع  
والدنيا حالها ..... صبح سكات

شايفه الظلم ..... و يا الخدع  
و ما رحمت قلوبنا من الالهات

دايره بتأسى ... وفيها بننخدع  
لا يوم بتحس بينا ولا ساعات

الجرح زاد ..... والقلب خضع  
لأئين بيدق ..... مع النبضات

والندل بيظلم .. ولا عمره ردع  
بيحلل ظلمه .... و يزيد ثبات

لا بدین أتأثر .... ولا حتى رجع  
و الكل بیأمن له علی الظلمات

فرحان بزور و غرور .... ولا منع  
و ناسی میزان محتاج حسنات

آه یا وجع ..... بقلب الجدع  
من نفوس مریضه بحب الذات

الله أكبر یا بشر .... الجبل خشع  
والظالم غره حلم رب السموات



## تعبنا يا دنيا

الجراح براح ..... وما أرتحنا  
والرحله طالت .. و ما فرحنا  
رضينا بالهم .... والهم دبحنا  
وسلمنا لخلق بالشر بتجرحنا

تعبنا يا دنيا ..... وتعبنا زايد  
لو بنكتب ..... يكفي قصايد  
و شمع الالم ..... بالقلب أيد  
ليه يا زمن ..... بحزني رايد

ظلمت بأيدي ..... على غيري  
ظلموني ..... و نكروا خيري  
وهادوني جراح .. بلون ليلى  
وكيلي حسبي ربي .. وحده

أقوى ما عندك هاتي يا دنيا  
وزيدي عندك وزيدي قسوه  
هبطل أأمك أوعك خلاص  
ماترحميني .. وتخفي حملك

شيلنا كتير ..... والحمل زاد  
و كل ما بنقرب ... نلقي بعاد  
يا أحلام هجرتي ..... البلاد  
هتيجي ..... ولا فات الميعاد

يجينا قلبي مصير الفرح يا  
وتتحقق أحلامنا ... وأمانينا  
و يرحل ..... كل يأس مالينا  
يارب بالكاف و النون أرضينا

## قلوب حجر

حرام عليكم ..... يا قلوب حجر  
حاجه تبكي ..... القلب سنين

هو الاسلام .... صبح ذنب لا يغتفر  
وعلناً بيتحارب ..... من البوذيين

فين العالم ..... فين البشر  
ليه بعنيهم شايفين ..... وساكتين

الظلم زاد ..... والارواح بتحتضر  
والجثث بيتمثل بيها ..... كل حين

الأجساد بتتقطع ..... وبتتبر  
والأطفال اتيتموا .... من الحاقدين

آه والف وجع .... على قلب بيتعصر  
من دنيا صبحت .... غابه عالمسلمين

وليه الجهل عايد .... والظلم ينتشر  
يا رب رحمة .... بعبادك المستضعين

الأرواح صبحت ..... في خطر  
وكل ذنبهم ..... انهم مؤمنين

الإيمان ..... عمره ما هيتحظر  
مادام لسه بالقلوب ..... دين

غمه وجراح وغربه ..... وسفر  
وأخبار تبكي القلوب ..... والعين

الطفل ذنبه ايه ينقتل و للا ليه ينقهر  
على امه ..... وابوه المظلومين

يا إنسانيه والله ما اذنب ..... ولا كفر  
واللي بيحصل في بورما يرضي مين

## لجل الوفاء

ليه الحنان ..... بقت القسوه ليه رد  
و بقينا بنزعل من اللي ما يتزعل منهم

وفينا كتير وتحملنا كتير وحصدنا صد  
ولجل الوفاء ..... والعهد بندعيلهم

ماهي دنيا ..... مش دايمه لحد  
واللي اختاروا البعد ..... الله يعينهم

ما فكرت ابدأ ..... يتبني بينا سد  
و حتى احلامي كنت بشوفها بعيونهم

كنت في حزنهم ..... بحزن بجد  
وربنا يعلم ..... اللي قولتوا عنهم

مش اخواتي ..... كانوا ومازالوا  
مهما الحياه ..... و ايامها تغيرهم

بتمنى تكون صحابه ..... وترحل الغد  
و يجي بفرح ..... يجمع بيني وبينهم

عن نفسي ..... مسامح من القلب  
وبدعي من قلبي ..... ربنا يسعدهم

اللي بينا كبير ..... و حرام يتهد  
وساكن بالحب ..... أعماق قلوبهم

عمري ما ظنيت ..... ينقضوا معي عهد  
ولولا غلاهم ..... ابدا ما اعاتبهم

مهما يقسوا ..... ها صون بينا الوعد  
وهدعي من قلبي ربنا يجبر خواطرهم

## ذكريات مؤلمه

يا ذكريات ..... مؤلمه  
استحي ..... وياريت تتمحي  
ليه في العقل ..... معلمه  
وكأنك شجرة ..... وبتطرحي

ليه دايمًا عالبال .... مابتتنسش  
ولجراحي زايده وبيا ماحستش  
بعد كل السنين ديا .. ما كفاكش  
ياريت ترحلى ..... وعني تروحي

كل ما انسي ..... ثاني تعودني  
و بكل الالام ..... بتجودي  
وكأنك حابه ..... وجودي  
و بحزن جوايا ..... بتفرحي

اهدي حبه ..... وعني روعي  
ولململي معاكي .... كل جروحي  
وسيبني قلبي ... وارحمي روعي  
ولا لسه ..... جايه تجرحي

الفرح دايمًا ..... مش بيطول  
والحزن عن لونه ..... ما حول  
و دنيتنا جرحانه ..... من الاول  
ياريت لقلبي مره ..... تفرحي



## يرضي مين

اللي بيحصل في برما ..... يرضي مين  
كل ذنب أهلها ..... أنهم مسلمين

القتل والعذاب ..... جزاء على ذنبهم الجسيم  
كيف يكونوا ..... موحدين

يا معشر الإسلام بكل العالم أستم خجلانين  
أم مازلتم ..... عن الحق غافلين

أم تغمضوا أعينكم وتصموا آذانكم متعمدين  
اللي بيعذب ويقتل اخويا واخوك في الدين

وليتنا بديننا ..... حقا بارين  
الأطفال بتقف على قلوبهم ..... الظالمين

و بكل أنواع الالام ..... اخواننا منعمين

و بشتى القهر ..... والذل والحسره مكرمين

و ماذا عني و عنك ..... مازلنا صامتين  
وما تحركت شفاهنا لهم ..... الا بأمين

نأمن على الادعيه ..... بنصر المستضعفين  
يا بشر ..... انصروا دين رب العالمين

ثوروا له ..... لعل تجدوا حجه ليوم عظيم  
يا كل نفس ..... أعلمي علم اليقين

إن لم نرفع الظلم ..... فنحن له مؤيدين  
فأنهضوا ..... يا نسل صلاح الدين

و أعينوا إخوانكم ..... المؤمنين  
وأفخروا بأخوة ..... لدين الله حافظين

فهم حقاً ..... فخر يعلو كل جبين  
أليسوا ..... بالايمان بربهم مزالوا صامدين

# زيدوا على الجراح جراح

زيدوا على الجراح ..... جراح  
و أقسوا ..... بقدر ما يكفيكم

هاقيم على الجراح ..... أفراح  
و قريبا ..... هدعي معاليكم

الدعوه عامه .. و الساعه براح  
و على قدر الجميل ... نعطيكم

جاري ملء الكؤوس و الاقداح  
و في صحة ..... أمانكم

غدا قريب ..... يا صاح  
و اليوم .... ما زلت ضيفا عليكم

أكرموا الضيف ..... بكل متاح

حتى لا تتعجبوا .. متى يناديكم

كرماء أنتم ..... وأنا السواح  
أكرمتوني كثيرا ..... بأيديكم

عبير الورد ..... من بستانى فاح  
ترقبوا الموعد .... حتى نهاديكم

# الرؤيا

الرؤيا رغم صدقها ..... كانت مؤلمة  
و القلوب في طاعه ربها كانت مسلمة

الاب قص على ابنه ..... رؤيته بالبينه  
الابن هون على ابيه .. بروحه المؤمنه

كانت رساله ..... من رب العالمين  
أصطفى بها سيدنا ابراهيم واسماعيل

أختبار من رب رحمن ..... ورحيم  
وفدا نبيه ..... بذبح عظيم

و صبحت من شعائر ..... المؤمنين  
و سنه بتحيتها ..... المسلمين

في طاعة الله ..... النجاه  
لبي النداء ..... و كن معاه

ربك رحيم ..... بقلبا يخشاه  
وبأيادي رفعت ..... لدعاه

فأتبع شرعه ..... ولا تعصاه  
فالخير كله ..... مع المصطفى والآله

## حزنك وحشني أوي يا أمي

قلبي موجوع ..... من فقدانك

و حزنك واحشني أوي ..... يا أمي

و مين يا حبيبتي ..... يملئ مكانك

يفرح لفرحي ..... ويشيل همي

أنا لسه أسيره ..... لحنانك

و لحنان إيديكي ..... وإنتي بتضمي

كان نفسي ..... أحققك أحلامك

يا حبيبته ..... بتجري في دمي

و تحجي البيت ..... وتكملي خامس أركانك

مش كتير عليكي ..... يا عمري

المسك ..... كان بيفوح من كلامك  
ولحظة الرحيل ..... فاح ودا اللي مطمئني

لو بأيدي ..... يخدوا من عمري علشانك  
يا روح الروح ..... و العين والنني

اللي مصبرني عالفراق ..... إيمانك  
و ريحتك في الجنه ..... اللي بتطمئني

بدعيلك بالفردوس ..... عن صبرك و الآلامك  
و هعلم أولادي ..... يدعولك يا أمي

في عيونك ..... كنت أجمل زهرة ببستانك  
و الورده من بعدك ..... سقاها الهم

يا حبيبتي ..... أيامي بعطرها بريحة أيامك  
و بدعي تجمعنا الجنه زي ما كان حلمك وحلمي  
( حضنك واحشني )



## إجرح

إجرح وزيد ..... عالجرح جراح  
و أظلم كثير ..... يمكن ترتاح  
دايما جراحي ..... عندك أفراح  
حتى ضميرك ..... بالظلم أباح

يا قلبي أصبر ..... ربك كبير  
عالم بالقلوب ..... والضمير  
وباللي حب ..... لغيره الخير  
و اللي لسه ..... لكبريائه أسير

كل ما أسامحك ..... أنت تزيد  
و دايما آلاقي ..... جرح جديد  
هو حرام تشوفني ..... سعيد  
و حبيب دايما ..... أبقي وحيد

الصبر ليا ..... معاه موال

و صابر ..... على كل الاحوال  
و أديني عليك .... طويل البال  
و أنت بتصنع ..... بينا جبال

كل جراحك ..... تجاهلتها  
برغم القسوه ..... وجرحها  
و أنت أبدا ..... ما كفتني شرها  
هديتك أخلاق وهديتني مرها

زيح الغشاوه ... من على عنيك  
و أخلص من النقص اللي ماليك  
و حاول تداوي .. غرور معاليك  
و عيشها بحب .. الخير هيجي

## شوفيني بقلبك

شوفيني بقلبك ولو لمره  
يمكن تحلي طعم ايام مره  
بشوفك بقلبي يسكنه فرح  
يا فرحه لعمرى ومسره

يا بنت من الخجل أجمل  
يا ملامح بالحياء تبهر  
يا قصيدة شعري الامثل  
وحروفها بالضياء تنثر

يا ساكنه القلب يا حبيبته  
ومن غيرك تكون لي قريبه  
وفي بعدك بحس الدنيا  
لا فيها حنان و لا طيبه

كتير بكلمك جوايا  
وببوحك بالي ما يتقال

و بشوف في هواكي دوايا  
يا اللي دايمًا شاغله البال

يمكن عن الهوى محجوبه  
و القصه صبحت غير مرغوبه  
و شايله بقلبك الف عتوبه  
وانتي في العيون محبوبه

انسى الدنيا ويللا تعالى  
ايدي في ايدك حبنا غالي  
و يشهد علينا قمر الليالي  
يا فرحة قلبي وكل أمالي

## مسيرها تتعدل

بغزل بأيدي ..... ثوب الفرح  
و قول لنفسي ..... قلبي إنشرح  
من ريحة الورد ..... اللي طرح  
و بنسى الشوك ..... لما جرح

عشت سنين ..... ومازلت فيها  
بملي العين .... من أحلام برويها  
و بصبر نفسي ... عن حزن ماليها  
مستني فرحة بكرا وبسمة لياليها

مسيرها تتعدل .. والفرح يجيني  
و أعيش أجمل أيامي .. وسنيني  
و أفرح قلبي ..... وأروي حنيني  
بفرحه تسكن قلبي ..... وعيني

مهما تأسي يا دنيا .. وللا تضيقني  
ألمي ..... راح ينورلي طريقي  
بالحرف اللي ما هيطفي .. بريقي  
اللي صاحبه ... و كان لي رفيقي

بعد جراحي ..... من الأصحاب  
و عتاب ماليني ..... من الأحباب  
لو كتبت ..... ما هيكفي كتاب  
هديتهم ورد ..... وردوا الباب

هصبر يا أمل ..... على وعدك  
مش ناسي ..... أنا ردك  
على قلبي ..... اللي بيحبك  
أديني ..... منتظر قربك

## قلوبنا تعبت

القطر ماشي ..... في سكتة  
و الضمير كان ليه ..... غايب

لا حس بإنجرافه ... و لا غفلته  
و خد منّا ..... حبايب

الأرواح راحت ... من صدمته  
و الموت عليها صبح ..... غالب

و لأمتي هنفضل ... في حتته  
كل يوم عنينا دمعها ... سايب

يرضي مين الظلم ..... دا  
و ليه الإهمال لينا أكبر نايب

بيعدي علينا ..... بحدوته

وساقينا الويل ..و يا المصايب

خلوا الحزن يكمل ..... قصته  
تعبنا من كثر ..... ما جايب

قلوبنا تعبت ..... من صحبته  
وعلى اللي راحوا القلب دايب

ربنا كبير ..... و قادر بحكمته  
وعلى كل أعمالنا .....شاهد

مهما الظلم بلغ ..... قسوته  
ربنا عالظالم ..... غالب

و المظلوم حقه ..... راجع  
يا ضمير أستيقظ ..... و عاتب

صاحبك اللي يتتم ..... الولد  
الولد كان منتظر أبوه .. الغايب



والبنت اللي كان ..... حلمها  
فستان فرح ..... ولمة حبايب

والأم اللي بتتعكز على ..... ابنها  
راح تدعي ..... من قلبها الدايب

يا قطر من حديد تشبهك ضماير  
كفاياك مواجه و ع البلاد حاسب

## ليل الغربه

في ليل الغربه وجع ..... وحنين  
وجع على عمر ضاع ..... وسنين  
وحنين لبلادنا بيبكي ..... أنين  
بيامل نعود لحضن ..... الغالين

يا بلادنا ليه سبتينا ..... نتغرب  
وليه خليتي ولادك ..... تتفرق  
يا بلادي مين فينا ..... ما جرب  
حرقة قلبه على حبيب عنه ..... متغرب

يمكن نعود و..... تشرق الشمس جوانا  
و هي بلادنا بتتألم ولا وهبتنا للغربه قربان  
دا الغريب شريد وبقلبه ..... ألف بركان  
نفسه يعود و خايف ما..... تحتويه أحضان

بيتمنى يعيش في بلاده و..... ما يحتاج

بيحلم بحضن يضمه ويعوضه عن الفراق  
وحب يضلل عليه ويعينه .....عالمواج  
و لمة أحباب و دعوة أم تفتح له الأبواب

## فداكي يا أمي

خدي من عودي الأخضر يا أمي  
لجل ما تصلبي ..... عودك

طول عمرك شايله ..... همي  
وفي الحب كنت .... أنا معهودك

يا اللي دمك بيجري في ... دمي  
و سعادتي بتكمل ..... بوجودك

كل حياتي فداكي ..... يا أمي  
دا طريقي بيتعطر ..... بورودك

دعواتك بتحقق ..... حلمي  
وثمارها بتطرح من ..... جودك

يا ريت أدكي من ..... عمري

وأعوضك عن كل ..... جهودك

أنا منك ..... و أنتي مني  
ومهما كبرت هفضل .. مولودك

يا حبيبته لقلبي ..... بتضمي  
دي عيوني وطنك ... وحدودك

يا أصدق حب مستوطن قلبي  
و بيصون و عودي ... و وعودك

من حنانك بستبشر ..... فرحي  
و في ضعفك أنا أقوى حشودك

## بر أمان

نفسى نلاقي لأحلامنا ..... بر أمان  
وكل طموح جوانا مصيره ما يكون.. إعدام  
هي حياتنا إيه من غير..... الأحلام  
و من غير طموح إيه يحلي في عنينا الأيام

وإزاي نعيش وأحلامنا جوانا..... مكبوتة  
وأي طريق نمشييه وخطاويننا ..... مضغوطه  
بننادي بالحرية والدنيا سمعت ..... الحدوته  
ياترى هتلبى دنيانا ندانا ولا السكه مسدوده

يا حلم مستوطن الأعماق..... بلا صوت  
ليه كل ما نقترّب ما نلقى غير ..... السكوت  
هو أنت معانا ولا وحدك..... بملكوت  
لا تخلي اليأس يحكم عليك..... بالموت  
و خليها على ربك الكريم..... وفوت

متوكلين على ربنا بقلوب ماليها..... الخير  
طالبين منه الرضا ويوفقنا بفضله..... الكبير  
مالنا غيره رحيم بنا من كبير..... لصغير  
يا رب حقق أماننا يا رازق العباد..... والطير

## إبعدي

إبعدي بعدد النجوم اللي في ليك  
و بحجم قسوة إحساس .... و ليك  
زيدي البعد ببعد .... وشدي حيلك  
أنا اللي أستاهل ..... و كتر خيرك  
حقك تأسى ..... و جرحك حق  
مدمتي بتأسى ..... و قلبي يرق  
أصون مشاعرك ..... و ما تصوني  
و قلبك ما توجع ..... و لا دق  
ليه حبك لقلبي ..... أسر  
و جراح ..... و مليون كسر  
اهديكي قصايد ..... شعر  
و حروف تعطرت ..... بالنثر  
تردي عليها ..... بتجاهل  
و أنا اللي بصدق ..... أستاهل  
مادام جرحي ع قلبك ..... سهل  
هبعد و الملم بواقى ..... الجرح



صبرت كثير ..... ولا حاسه  
و صبري مازال بيصون ..... العهد  
ياريت ما تنسي لي ..... ذكرى  
ومشاعر بينا كانت ..... من القلب

## أجمل ورده

حاسس بكل آلامك ..... من حروفك  
وأنتي بتداري عني ..... كل الآلام

ليه كل ما تيجي تبوحي .. بلمح خوفك  
وكانك بتهربي .. وعيونك مالياها الحنان

تحرري من كل قيودك خليني .. أشوفك  
كأميره حاله لم ..... تأسرها الأحزان

لا تستسلمي يوما ..... وتقولِي ظروفك  
و هذا قدرِي و أروي صحرائك بالأحلام

السعاده والحب ..... و الزهور ضيوفك  
فأكرمي قلبك ..... وأمنحيه العنوان

خلي ورود الدنيا ..... تشوفك  
أجمل ورده في ..... البستان

وأحضني قمر الليل ..... بكفوفك  
تلقني في ضيئه ..... بر أمان

## حرف القصيد

لو بمبدأ الكرامه كل ما .. هتزيدي هزيد  
و لو حزينه راح أحول كل أحزانك لعيد  
شعري كله أنتي فيه ..... حرف القصيد  
ليه تملي تبعدي وتخلي نار شوقي تزيد

صبرت كثير ..... وقلبي لسه بتجرحيه  
والنهارده جيت لعندك ... لجل ما تطمنيه  
شوفتي حزنه ..... ولا حسيتي بيه  
ليه بتأسي ... على اللي كانلك يوم وريد

يا أحن قلب رغم كل ..... آلامك  
أيوا أنتي قلبي ..... ما بينكر غرامك  
و مهما تأسي عمرى ..... ما نسيت حنانك  
يلا بينا ننسى ماضي .. ونبدأ يوم جديد

و نمسح دموعنا ..... و نداوي جراحنا

و نودع كل لحظه شجن ..... تلمحنا  
و نرسم ورده ..... و نلون بيها فرحنا  
الفرحه اللي هتكون لقلوبنا ..... عيد

كوني لي نسمة أكونك ..... ربيع  
يحضن عبيرك قلبي..... الوديع  
و جوا قلبك و في حبك ..... أضيع  
دا حبي جوا قلبك بينبض ..... أكيد

## إو عديني

بتداري حزنك عني ..... ليه  
مش انتي مني ..... ولا ايه  
حاسس بجرح ..... بتخفيه  
نزلي عنك ..... وقلبي شيليه

كان زمان بينا ود ..... وأمان  
ليه النهارده بنقول ..... دا كان  
ولسه بينا عهد ..... زمان  
وللا أنت نويت ..... ع السلام

نزل الحمل عنك ..... وأنا أشيل  
نفسي قلبك بالفرح يبقى ..... جميل  
و تبتم ..... ويبتسملك قمر الليل  
و بإيدك تلون فرحة للقلب ... العليل

إو عديني تبقى أقوى من .... السنين

والجرح ما يعيش بقلبك غير يومين  
وتروي المحبه .. وتلممي كل الأنين  
وتحضني قلبك وتمسحي الدمعتين

إزرعي بإيديكي دائما أجمل .. الورود  
وطمني روحك الجراح ما راح تعود  
وإعزفي غنوة فرح على وتر العود  
وقمر الليل و همسهم عليكي شهود

## في الجنة أخويا شهيد ( أنا إبنك )

أنا إبنك اللي عنكي ..... بعيد  
إمسحي دموعك ..... يا أمي

في الجنة أخويا ..... شهيد  
وبعدي ما زاد غير ..... همي

وكل يوم حزني ..... بيزيد  
كان نفسي أكبر ..... وأسمي

و أنا شايفك في ثوبك الجديد  
لحظة ما يشقشق نهار .. حلمي

الحلم اللي كان لساه ..... ولید  
اللي أستبدلوه ..... بمر ألمي

يا مصر ..... يا ساريه بالوريد



يا حزن بيزيل .. وجعي وغمي

يا أصيلة ..... وتاريخك مجيد  
متزعلش من أخويا .... ولامني

هو إختار الجنه ..... أكيد  
يا أحن حزن و علينا .. بتضمي

بكره بالفرح ..... جاي أكيد  
ومعاه كل أولادك ..... يا أمي

كلنا جايينك ..... ومعانا العيد  
وعن كل أحزانك ..... هنرمي

نعوضك و يبقى قلبك بينا سعيد  
يا حبيبته بتجري في ..... دمي

## قلوب بتبكي

يا قلوب بتبكي على ..... اللي ليها  
أب حزين على ..... ابنه الشهيد

وأم منهاره ..... والمر ساقياها  
وأطفال بتتيتم تاني..... من جديد

وفي ناس بلارحمه ..... ولا خير فيها  
دايره بتقتل من قريب ..... ومن بعيد

هو اللي بيحمي بلدك .... وخيره عليها  
ما يستاهل غدرك ..... دا أكيد

وإزاي بتفتكر ..... إنك بتبنيها  
وانت قلبك أقسى ..... من الحديد

بتدمر ليه في الجيش اللي .... حامياها

و بتحرق حتى قلب ..... الإبن الوليد

الجيش دا مني ..... و منك وأعز ماليها  
في عز البرد ..... و الحر بتلقاه شديد

إحنا آمين طول ما هو حامي أراضيه  
وأنت بتعادييه ..... و فيه بتبيد

لإمتى هتفضل عنيك الشر ..... مغميها  
و من خذيك ..... و عارك بتزيد

هما في الجنه .... و من أجمل ساكنيه  
و الوطن برئ من أمثالك ..... أكيد

غدا ستقهروا أنتم ..... وكل أعاديها  
و تبقى أم الدنيا خالدة .. بأبنها الشهيد

لو أنت أبنها كنت بروحك ..... تفديها  
و ما كانت سفك دماء أبنائها لك عيد

## كلنا تايهين

كلنا تايهين وعن بر أمان ..... بندور  
أو حتى عن شجرة تظلل ..... علينا  
وكل ما نقرب ..... بنتوه أكثر  
ونحتار هو إحنا توهنا .... ولا رسينا

الدنيا حالها صبح ..... حال  
ولا عارفين لها يمين ..... من شمال  
ونيجي نسألها عن الحق .. والضلال  
تلف بينا ... وما تجاوبنا عن السؤال

انا مش طالب كتير ..... ولا سارح  
حلمي بكره يبقى أجمل من .. إمبارح  
وولدي يلقي شجر الخير ..... طارح  
يرويه بأيديه و يجنيه بكل المطارح

لفي بينا يا دنيا العجب ..... ودوري

ولفي بيا كمان ..... وما تنسي دوري  
أنا اللي إنظلم فيكي و عليا بتجوري  
ولسه عندي أمل و لا عليه هتثوري

ساعات بتبقي صريحه ... وواضحه  
وساعات بتبقي زي ناسك ... جارحه  
يا دنيا فين ضحكة شمسك الطارحه  
ما تضحكي ..... وحشتني الفرحة

## أخلاقنا الجميلة المنسية

شاشه هي ..... وللخير رساله  
مش مسلسل ..... ولا مسرحيه

ولا فيلم هنعمله ..... دعايه  
وعقولنا أسراها ..... الرجعيه

معدشي سر لأي ..... حكايه  
و حياتنا عالشاشه ..... علانيه

زعلان فرحان ..... أي حاله  
بننشرها بكل ..... موضوعيه

إمتي هنقول لحد هنا ... كفايه  
ونحس شويه ..... بالمسئوليه

وفين عقولنا ..... الشغاله  
اللي تقدر معنى ..... الحريه

و لا عاد أسرار بالقلب متشاله  
كل حياتنا صور ..... سيلفيه

الغالي عليا بزياده و خلصانه  
شعار لمصطلحاتنا الإجتماعيه

جرلنا إيه يا ..... رجاله  
و ليه إتغيرنا للدرجه ..... ديا

دي مش قصيده و لا .. روايه  
دي فضفضه وخواطر شعريه

كل يوم بتصادفنا ..... حاله  
وملينا من صمتنا و السطحيه

بعدنا عن ديننا لحد ... الثماله  
و عنينا عن الصبح .... متغميه

يا ريت نرجع تاني ... الأصالة  
و أخلاقنا الجميله ... المنسيه



## حاسس بحزنك يا صديقي

حاسس بحزنك .. يا صديقي  
ولا يهملك .. و هنكمل المشوار

حزنك زاد همي .... و ضيقي  
بعد ما الغش كبير ..... الصغار

كبير بأخلاقك .... يا صديقي  
و بكره لطموحك ..... نهار

مش بأيديك ولا ..... بأيدي  
ولا بأيدهم ..... الاختيار

ربك كبير وأصبر ... يا سيدي  
أديني بأكتب فيك .... أشعار

بالأمس أنرت طريقك طريقي

و النهارده لون زرعتنا خضار

صدق أحساسك دا .. حقيقي  
وأروي قلبك ..... بالأشعار

شاعر وكبير ..... يا صديقي  
و لجمال قصايدك ..... أسرار

خليهم لنفسهم .... ينسبوها  
الحق راجع مهما الزمان طال

واللي ينكسر مش الحجيري  
المكسور هو اللي عليه جار

وأنت راجل جدع وصعيدي  
و ليك كل التقدير .. والوقار

## حبة الصبر

يا حبة الصبر.....اللي فاضلين  
خليكم معانا ..... و مترحلوش

مر من عمر الوجع ..... سنين  
و الفرح قلوبنا .....محستوش

و لسانا للفرح ..... منتظرين  
يمكن نلاقيه .....في و شوش

وشوش طيبه و ناسها محترمين  
و بالخير طرحها ..... بشوش

ما هي أرزاق ..... يا طيبين  
جايه جايه .....متفكروش

بس أحنا اللي مش .....صابرين

و الصبر ..... ما بنرا عيهوش

عايزين نؤجر به ... و مستعجلين  
نسينا إن صبرنا ... ما بنكرميهوش

يا حبة الصبر ..... اللي فاضلين  
خليكم معانا ..... و مترحلوش

## بازيخ في الهم وتعب صبري

بازيخ في الهم ..... وتعب صبري  
سنين بتمر .. و الأمل جوايا مخنوق

أهرب من همومي .. وأهونها بقلمي  
وعبر عنها ياخذني الحنين والشوق

لأيام جميله عدت..... من عمري  
قبل سنين العمر ..... المسروق

سنين ما عشت فيها .....لنفسي  
و عمري ما طالبت فيها ..... بحقوق

عايش .....وراضي بقدري  
وبقول بكره لشمس الأمانى شروق

يا هم تعالى عبي .....وزيد همي

وزيد على صدي ..... المطبوق

حتى لو كنت جبال ..... على قلبي  
بكره تصبح جنائن ..... وورود

مادام توكلنا على ..... ربي  
وبالدعاء رفعنا ..... إيدينا لفوق

من غيره يجبرني و يحقق حلمي  
و يعوضني بخيره اللي ماله حدود

## راعوا الإنسان

ليه لما بنقرب من حد ..... بيعاملنا بتعالى  
وكان قربنا خطيئه ..... ومنها برئ ومثالي  
وييني من ظنه المزعوم..... برج عالي  
وما أكثر من أبراج..... بناها الخيالي  
وإن كان قربنا خطيئه ف لسوء الاختياري

ليه الناس دايمآ بتتسرع .....في الأحكام  
وليه بتأسى على أكثر حد ....منحها الحنان  
وترجع تسأل ليه ..... ما بئناش زي زمان  
هنفسر أيه ..و هنعكي ليه ما خلص الكلام

يالي بتسيئوا و تجرحوا .....راعوا الإنسان  
مش كل القرب مصلحة فيه قرب .. إحترام  
في إني كبرتك بعيوني..... كأنسان  
وأنت بتهدم..... وبتزيد الآلام بالآلام

ما تزرعوش جوانا.....الجراح  
سيبوا قلوبنا ..... من الجفا ترتاح  
ولا تترقبوا سفننا ..... بالرياح  
و نحن في دعائنا بالخير نذكركم كل صباح



## بنت النيل

### إهداء للشاعرة سميرة محمودى

مبروك يا بنت النيل..... يا ريفيه  
شجر النجاح طرح..... يا صبيه  
و شمس طموحك..... شفشقت  
و عنك عمرها ما كانت..... متداريه

شروقها واضح..... من سنين  
بس الفرح بعد إشتياق بيبقى جميل  
وأنتي أنتظرتي..... و كثير صبرتي  
وآن الآون لغنوة فرح....ويا الحنين

وأكتبي وغردي....يا نجمة ساطعه  
كلماتك عبير بيفوح يا أجمل ورده  
بننتظر..... وبننشغل لو غبتي حبه  
وبنحيي روحك....لما لحرفك بنقرأ

زرعتي جوا قلوبنا الأمل... والأصرار  
و عرفنا معاكى..... أن لأحلامنا نهار  
وعلى إيديكى .....عشقنا الأشعار  
يا بنت النيل..... يا فخرنا بكل دار

## ما تاخديش على خاطرك مني

متخديش على خاطرك ..... مني  
و إن آسيت أيا منا و ما حنت أنتي حني  
ومن حبنا تحكي دنيتنا عنك و..... عني  
وتعرف إنك حبيبة قلبي ..... وحته مني

قلبي اللي حبك حب..... ماله حدود  
و غنى فيكي شعر والنبض كان لك عود  
يا غنوة وفا ..... و أجمل ما في الوجود  
مغرم بيكي و... كل الجوارح عليا شهود

متفكريش الغربه ..... عنك واخديني  
وللا نبض القلب..... هيعرد لحد تاني  
و أنتي حبيبتي ..... وقصة غرامي  
و الحنين ليكي..... أسر وجداني

أطمني يا زهرتي..... الجميله

عبيرك بيواسيني..... كل ليله  
وييهون غربتي..... المريره  
لا تظني شجرة..... أشواقي عليه  
وانتي حبيبتي وفي عيوني أجمل أميره

## بالقلب ركن ليكي (يا ساكنه القلب)

جوه بالقلب ..... ركن ليكي  
ولما الدنيا بتقسى... بتهونها عنكي  
يا ساكنه القلب و..... مغروم بيكي  
أتوه أبعد ..... لكني شاريكي

مش قصة كلام..... بحكيه  
دا مشاعر القلب اللي ..... حبتيه  
هو كمان حبك و..... حبك بيرويه  
و من غيرك تحلي دنيتة .. و تطمنيه

عن دنيا لسه فيها حب و..... أمان  
ومشاعر صادقه .. بتسري بالوجدان  
يا أجمل ما فيا و..... نبع الحنان  
يا شاطئ جميل ... بيمدني بالإلهام

وبيتسلل لقصائدي و.....بيحتويها  
فأشعاري جميلة مادمتي .....فيها  
يا سر الجمال لحروفي و.....معانيها  
يا نصفني الآخر و..حبيبته عايش ليها

## هنت عليك

يعني خلاص انا ..... هونت عليك  
وقلبك طاوعك و....بتقسي عنيك  
والنهايه خلاص بتكتبها... بأيديك  
أكتب نهايه تليق بيا و..... بيك

ولو أفكرت خوفي..... عليك  
او حب عايش فيا و..... فيك  
حاول تنسى علشان ما..... تحن  
وواسى النبض والعين و..... النن

صدقك احساس خالك و ظلمت  
و اخدت قرار قاسي و لا ضعفت  
كمل وحدك مادمت..... اخترت  
و انا هبعد مادمت..... اتغيرت

ولو رجعت مش ..... هقبل

قلبي على البعد ..... هيفضل  
دي كرامته عن حبك ..... أغنى  
زي ما كان في حبك ..... أغلى



## زهرة عمري

يا شمس بتمدني ..... بالنور  
يا زهرة عمري ..... وسنيني

العشق في حبك ..... نور  
يا حبيبة قلبي ..... وعيني

يالي حياتي بدونك أرض... بور  
منتظر اللقاء ..... يرويني

ويطرح بالقلب فرح ... و سرور  
وحضن عيونك ..... يؤويني

قمر أراكي في كل ..... الفصول  
بيهون غربتي ..... ويواسيني

ثورة تجتاحني ..... وهأنا أثور

من بعداً أشقى.....حنيني

سأظل ثائرا .....وحبي بحور  
غرقت فيها عشقاً..أفلا تنقذيني

أم تسعدين بثورة.....غيور  
و من غرقك..... تمنحيني

الغرق في الحب ....أجمل شعور  
ليت من فيض الشعور تزيدني

يا قطرة ندى ..... وأجمل الزهور  
يا قصيدة شعر تسري بشراييني

## هدية اصطفاني القدر بها

حورية في عالم تحيرت فيه النساء ..... بعفافها  
أرى ما يطيب النفس كالدواء ..... بجمال روحها

راقبه كزهرة زاهية ببستان يفوح ..... عيبرها  
بريئه كطفله برائتها تسري بكل ..... تفاصيلها

ناضجه كائش أنوثتها تطيب ..... بالطاعة لربها  
أشعر وكأنها فريده من ..... نوعها

وهل يختلف إثنان على ..... أخلاقها  
فأراها بقلب الأخ أميره ..... بحيائها

أراها كطيف كلما غاب أتفقد ..... حرفها  
وأأمل في حروف تعطرت ..... من أحساسها

أختارتها على مهل وأجادت ..... أختيارها

ما بين الأحاديث والذكر وكلام يرضي..... ربها

لم تفتن بهذا ولا ذاك ولم تتأثر .....كغيرها  
مهما تحدثت عنها فالحديث لم يوفي .....حقها

ليت الجميع كما أراها بإحساسي .....يرونها  
ليس كثير عليها قصيدة في .....مدحها

كفاني فخرا بها أختا و يا صدق شعري بذكرها  
يا هدى حسه الفؤاد وهديه أطفاني القدر بها

## مش كفايه

كل قصايد الشعر الجميله ..... مش كفايه  
كل كلمات الحب بكل روايه ..... مش كفايه

اللي جوايا مالوش حدود ..... ولا وصف  
مشاعر إرتدت في حبها ..... عن حدود الوصف

أحبك مش كفايه وحشتيني ..... وأنتي معايا  
حتى القلم أحسنت به الظن كصديق وفي ما عبر  
عن ..... حبك جوايا

و لم أياس كل مره بتسأليني ..... عن حروفي  
أطمئك وأخبرك ..... أطمني وأنا خجلان  
نفسي أعبّر عن مشاعر لكي ..... كالبركان  
نفسي أقولك بحبك ..... تحضنك حروفي  
وتلمس الوجدان وتسري بالأعماق ويرددها  
القلب ..... بكل الأركان

لكي بالفؤاد المتيم قصيدة مازالت حروفها من إحساس  
ومازلت عاجزا عن تدوينها خشية من يوما يأتي وأقرأها  
و أشعر بأنني لم أنصف أرقى قصيدة عزفها القلب و  
الإحساس.....

وأیضا أخل لو يأتي يوما وتقارن بينها وبين باقي  
قصائدي..... الناس  
وبأعماق حلمي هي عروسه الجميل الذي أشعر فيها والشعر  
لكي بكل..... إخلاص

نبضا يعزف على..... قافيتي  
وزنا يطرب وجدانك..... غاليتي

لحنا يداعب بهمسه ليلك..... فانتنتي  
فا لكي بالفؤاد عشقا خالدا..... أميرتي

# ممکن نلاقي حياه لأحلامنا

ممکن نلاقي حياه

لأحلامنا

ونفرح بيها وتحققها

أيامنا

فرحه جميله نلون بيها

أحزاننا

ونحضن قلوبنا

وأماننا

وننهنيها على الصبر و على

الإصرار

و نروي حلم لونه خضار

و عمار

و يتحقق و فرحتنا تعم

الدار  
و بلون الحلم يتجمل  
المشوار

و نكرم ذكرى جميله  
بالأشعار  
نغرد عبر أبياتها بروح  
أحرار

وقصايد تزرع جوانا أمل  
فرحان  
كطير فرد جناحاته بعد  
زمان

كان محبوس بدون  
سجان  
سنين بيغافر وبيدور عن  
بر أمان

وكل ما يقرب تبعده



الأيام  
وكانه غريب وهو مازال  
بالأوطان

بيتمنى يشوف الدنيا ربيع  
في ربيع  
و يتحقق حلم جميل ما  
يضيع

يا دنيا قوليله أظن  
ربك رحمن  
وعبير الخير هيفوحك  
بكل مكان

## ريق

ويعطفينا الوحي  
بشعر رقيق

و ندون أجمل قافية  
ووزن دقيق  
و نجوب مع الفكر  
العميق

ونسمو عن كل ما  
لا يليق  
و نرتقي كأبناء وطن  
عريق

## ما تزعليش مني

ما تزعليش مني ومن دعائك  
ما تحرمنيش  
وإن جات سيرتي  
رد غيبتى وما تجرحيش  
ومتصدقيش إني  
محبتكيش

وأي حد يقولك إتخلى  
عنك متسمعيش  
وقفت كتير علشانك  
ولما إنسحبت كان  
عشان اللي مني يقول  
ما باعنيش

يا أجمل زهرة ساكنه  
بالقلب ومنسكيش

ولسه بيروي حبك برغم  
السنين والبعد كل شئ  
جوايا لسه على عهدك  
و مافاتكيش

غصب عني كنت بموت  
وأنا ببعد و لو إكرر المشهد  
هموت تاني واللي مني يقول  
ما باعنيش  
مع إنه كان عارف إني بموت  
وسابني ولما إنكتبلي عمر  
جديد ما قدرنيش

إتربيت على أني أكون راجل  
ولما الحب يملاني ويجري  
بكل ذره بكياني مضعفنيش  
ولو قسيت الدنيا وخيروني  
بين حبي وبين اللي من  
دمي أتعب وحدي وداري  
كسرت قلبي جوايا وأكتفي

بكلمة اللي من دمي يقول  
ما باعيش

سامحيني عارف إني قسيت  
وعارف إنك حبيتي  
بس يا ترى عرفتي مدى  
حزني عليكى وسنوات  
مرت ومن قلبي ما نسيتكيش  
عرفتي بجرح قلبي اللي  
قسم لي طول ما أنا عايش  
هيعيش

يمكن كنت مخطأ ويمكن كنت  
الجاني لما ما إتحديثي كل العالم  
عشان قصتنا ما تنتهيش  
هي فعلا ما أنتهتش هي لسه جوا  
مني عايشه بس مش زي ما  
إتمنيت تعيش

## إهداء للحضري

حبك لها سر من الأسرار  
دمت بطل ومشوارك كله وقار

نجم ساطع بين النجوم كبار وصغار  
خلدت أسمك بأخلاصك لها ليل ونهار

مهما يقولوا كبرت قصتك أجمل مشوار  
موهبتك وإجتهادك صنعوا أسطورة أسمها الحضري يكتب  
فيها أشعار

أتعبت الحراس من بعدك في الأربعين ومازال حبك لها كحب  
الشجر للأمطار

أتمنى عودتك لوطنك الأحمر نادي القرن وتكون آخر مباراه  
على أرضه ونهاية المشوار

## إهداء للأستاذ رضا أبو الغيط

لك كل التقدير والاحترام  
استاذ .. واخلاقك عنوان  
يحميك .. الرحيم الرحمن  
يالي ..... ما يوفيك كلام

التضحية ..... طبع الكبار  
وطريق سكته ..... وقار  
الي يمشيه .... يلقي نهار  
ونور بقلبه .... يكفي ديار

الاخلاق الطيبه .. عنوانك  
يالي بحرفك .. ثبت مكانك  
من قلبي ... بفرح علشانك  
وبدعيلك .... يسعد ايامك

يالي اتعلمنا .. على ايديك

جمال الحرف الله يخليك  
زيدنا .. من ابداع معاليك  
ابن مصر ..... ونيلها رويك

بشوف فيك .. أصالة زمان  
ومنك ..... بتعلم الاحترام  
اخ كبير ..... ونعم الانسان  
وبفتخر بيك في كل مكان



## أصدق حب

يا عيون مليئة بالحنان  
يا حزن دافي بيطيب  
كل الآلام

يا قلب طيب ما يوفيه  
كل الكلام  
يا نبع الحنان ودعوات  
جميلة بتتردد وقت  
الأذان

يا أصدق حب وأوفى  
حب على مر الزمان  
يا أمي يا حب عمري  
وحياتي ويا ساكنة  
القلب والكيان

شاعر أنا و حرفي  
مهما إرتقى في  
شعرك قليل  
كاتب أنا و مهما  
غردت في كتاباتي  
قلمي في حبك عليل

أنا الأسير حبا في مملكتك  
منذ نعومة أظفري  
و للآن مازلت أسير

أسمى طموحي جنة  
تحت أقدامك يا أمي  
فأنا الصغير وإن شاب  
الشعر وصرت أب في  
عيناي وقلبك الجميل  
سأظل طفلك الصغير

أنا إبنك المحب  
المقصر في حقكي

مهـما صنعـت وأي  
صنع يوفي حق من  
بعد رضا الرحمن  
رضاها سبيل

أنا اللي بفتخر بيكي  
يا تاج على راسي  
يا سر سعادتي  
يا ساكنة القلب  
يا أمي يا أجمل  
حاسه بحواسي

## دعاء

يا رب أملئ قلوبنا  
بالإيمان  
وأبعد عنا الهم  
والأحزان

و ألهمنا الصبر  
ع الايام  
وأرزقنا الصبـه  
الصالحه بكل مكان

ربي نستعـذ بك من  
الشيطان  
ومن نفس أماره  
بالسوء والآثام

وشفع فينا محمد عليه  
الصلاه والسلام

وتقبلنا يا الله  
وأعزنا بالإسلام

اللهم أشرح صدورنا  
بالقرآن  
ربي نسألك الفرج  
والرضوان

اللهم أكتب لنا العفو  
والغفران  
وأرزقنا رضاك وأسكننا  
الجنان

ربنا مالنا سواك نرجوه  
يا رحمن  
أنت مالك الملك ذو  
الجلال والإكرام

# وطنها مازال بساتين

الزهور كلها فرحانه  
و مبتسمه  
و الورود عبيرها فاح مع  
النسمه

يمكن فرحانه لأن وطنها  
مازال بساتين  
لونها ربيع و عبيرها  
نسيم

و لما بتنقطف زهره يببقى  
شعورها حزين  
رغم جمال منظرها  
بتحس بأئين

والورده المقطوفه بتهدى

بين حبيبين  
كذكرى جميله عطشانه  
حنين

بتتروي بالسكر و القبل  
بتلاحقها في كل حين  
يمكن فرحانه لأن وطنها  
ما زال مليان بساتين

كان نفسنا نفرح زيها  
ووطنا يشبه وطنها  
و كثير حاولنا نزرع  
نفس زرعها

زرعنا الخير ببلادنا  
و بنجني القهر  
إيد بتبني وستين  
إيد بضر

يا بلادي بنرويكي

بالأمل ما تروناش بالمر  
إحنا أولادك وطرحك  
إبعدي عنا الشر

ولو فرع من طرحك  
ضل ضللي عليه  
وصحي جواه الأصل  
و عرفيهم أن أبناك  
أخوه و العروبه فخر



## قصائد الديوان

م	القصيدة	صفحة
1	بطاقة الكتاب	2
2	الإهداء	3
3	دايرة حزن	4
4	الجرح زاد	6
5	تعبنا يادنيا	9
6	قلوب حجر	11
7	لجل الوفاء	13
8	ذكريات مؤلمة	15
9	يرضى مين	17
10	زيدوا على الجراح جراح	19
11	الرؤيا	21
12	حضنك وحشنى أوى يا أمى	23
13	إجرح	25
14	شوفينى بقلبك	27
15	مسيرها تتعدل	29
16	قلوبنا تعبت	31
17	ليل الغربة	34
18	فداكى يا أمى	36
19	بر أمان	38

40	إبعدى	20
42	أجمل ورده	21
44	حرف القصيد	22
46	إوعديني	23
48	فى الجنة أخويا شهيد	24
50	قلوب بتبكى	25
52	كلنا تايهين	26
54	أخلاقنا الجميلة المنسية	27
57	حاسس بحزنك يا صديقى	28
59	حبة الصبر	29
61	بازيح بالهم	30
63	راعوا الإنسان	31
65	بنت النيل	32
67	ما تاخدش على خاطرك منى	33
69	بالقلب ركن ليكى	34
71	هنت عليك	35
73	زهرة عمرى	36
75	هدية اصطفانى القدر بها	37
77	مش كفاية	38
79	ممکن تلاقى حياة لأحلامنا	39
82	ريق	40
83	ماتزعلش منى	41

86	إهداء للحضري	42
87	إهداء للأستاذ رضا	42
89	إصدق حب	43
92	دعاء	44
94	وطنها مازال بساتين	45
97	قصائد الديوان	46